



Statens vegvesen

FØRESEGNER FOR DETALJREGULERINGSPLAN RV.52 Storeskar–Galdane

Dato: 18.5.2022

Planid: 2019018

Hemsedal kommunestyre sak: __/__/__

Vedtak: _____._____

1 Generelt

Desse føresegnene gjeld for alle område innanfor avgrensinga til planen vist på plankartet, med arealplan 2019018. Plankartet består av 3 kartblad, merkt R1–R3.

1.1 Føremålet med planen

Føremålet med planen er å regulere ny Storeskar bru med tilstøytande delar av riksveg 52 slik at trafikktryggleiken aukar og framkomsten blir betre.

1.2 Vertikalnivå

Reguleringsplanen har to vertikalnivå: vertikalnivå 2 (på grunnen) og vertikalnivå 3 (over grunnen).

2 Fellesføresegner

Fellesføresegner gjeld for heile planområdet dersom anna ikkje er spesifisert.

2.1 Kulturminne

Dersom det under anleggsarbeid vert treft på automatisk freda kulturminne, eksempelvis i form av helleristingar, brend leire, keramikk, flint, groper med trekol og/eller brend stein, slagg etter jernframstilling osv., skal arbeidet straks stoppast og fylkeskommunen varslast, jf. lov om kulturminne av 9. juni 1978 nr. 50, (kulturminnelova) § 8. 4

2.2 Ytre miljø plan

Med bakgrunn i Forskrift om systematisk helse-, miljø- og sikkerhetsarbeid i virksomheter (Internkontrollforskrifta), skal det utarbeidast ytre miljø plan for tiltaket.

3 Reguleringsføremål

3.1

Samferdselsanlegg og teknisk infrastruktur (PBL § 12–5, nr. 2)

Veg (o_SV) Køyreveg

O_SV er offentlig veg og omfattar areal til utbetra rv52, køyreveg, vegkryss, avkøyrslar, skulder, rekkverk, busstopp og andre anlegg som naturleg tilhøyrer veg.

Annan veggrunn – teknisk anlegg (o_SVT)

Annan veggrunn – teknisk anlegg omfattar skjerings- og fyllingsskråningar, grøfter, rabattar og murar, veggrunn utanom trafikkareal for å vareta funksjonen til vegen. Areala kan også nyttast til geotekniske føremål. Areala kan nyttast til nødvendige tekniske bygg, installasjonar og anlegg.

Det blir tillate etablert rekkverk, mindre tekniske bygg, leidningsanlegg, sikringsgjerde og viltgjerde ved behov.

Areala kan nyttast i samband med vedlikehaldsarbeid.

Annan veggrunn – grøntareal (o_SVG)

Annan veggrunn – grøntareal skal nyttast til nødvendig veggrunn utanom trafikkareal for å vareta funksjonen til vegen. Det kan gjelde etablert rekkverk, mindre tekniske bygg, leidningsanlegg, sikringsgjerde og viltgjerde ved behov, og anna som høyrer til og er nødvendig for drift av veganlegget.

Areala kan nyttast i samband med vedlikehaldsarbeid.

3.2

Landbruks-, natur- og friluftsføremål og reindrift (PBL §12–5 Nr. 5)

Område for jordbruk, skogbruk, reindrift, naturvern, jordvern, særlege landskapsomsyn, vern av kulturmiljø eller kulturminne, friluftsområde, seterområde, og landbruks-, natur- og friluftsområde der arealdelen i kommuneplanen tillèt spreidd bustad-, fritidsbustad- og næringsverksemd.

LNFR-areal for spreidd bustader, fritidsbygningar eller næringsbygningar (LS)

Areal for spreidd bustad-, fritids- eller næringsbygg mv., jf. § 11-11 nr. 2.

«at spredt bolig-, fritids- eller næringsbebyggelse og annen bebyggelse kan tillates gjennom behandling av enkeltvise søknader eller reguleringsplan når formålet, bebyggelsens omfang og lokalisering er nærmere angitt i arealplanen,»

Viser til kommuneplan for Hemsedal kommune, Plan ID 2016007, vedteken 6.12.2018.

3.3

Bruk og vern av sjø og vassdrag med tilhørende strandsone (PBL §12-5 Nr. 6)

O_V omfattar Mørkedøla med tilhørende kantsone. Kantsona skal sikrast mot inngrep eller reetablerast med naturlik vegetasjon.

4 Omsynssoner (PBL § 12-6)

4.1 Høgspent (H370)

Omsynssone omfattar området under og rundt eksisterande høgspentlinje med ei byggjeforbodssone på 2 x 15 meter

5 Føresegningsområde (PBL § 12-7)

5.1 Mellombels anlegg og riggområde (område #1)

Areal for mellombelse anlegg- og riggområde

Reguleringsføremålet mellombels anleggsområde opphøyrer når kommunen har fått skriftleg melding om at anlegget eller delar av dette er ferdigstilt, og at det er treft vedtak om opphøyr av den mellombelse reguleringa.

Området skal ryddast, setjast i stand og leggjast til rette til bruk i samsvar med regulert føremål.

6 Rekkjefølgjeføresegner

Dagens bru skal fjernast etter at ny bru og vegløyning er på plass.